



UNIVERSITÄTS-
BIBLIOTHEK
PADERBORN

Universitätsbibliothek Paderborn

Afflictio Consolans, Seu Svccincta Non Minvs Ac Clara Methodvs

Wintrich, Victor

Coloniæ, 1644

Discvrsvs VII. Ostenditur, quod ideo Afflictio nos consolari debeat, quia docet orationem.

[urn:nbn:de:hbz:466:1-45734](https://nbn-resolving.org/urn:nbn:de:hbz:466:1-45734)

DISCVRSVS VII.

Ostenditur, quod ideo Afflictio nos consolari debeat, quia docet orationem.

Hæc sit consolatio mea, vt affligens me dolore non parcat.

Iob 6. v. 10.

Regni Cælorum nobis aditus patet afflictione, quia scriptum est: *Per multas tribulationes oportet nos intrare in regnum cælorum,* quo quia heu nondum peruenimus, sed prolongatur incolatus noster, manu ducere non desisto; ideoq; ingemino: *Hæc sit consolatio, vt affligens me dolore non parcat, vt supplicare discam pro regno isto interminabili, incircumscriptibili ac æterno, quod gloriosum est, & in quo omnes Sancti exultant cum Christo sine fine.* Dicam igitur

C 6

Pri-

Primò, in prosperis orationem te-
pescere,

Secundò, in aduersis accendi.

In Oratione Dominica, alterum quod
ab illo, qui maximè nouit nostras ne-
cessitates, orare didicimus, est: *Adueniat*
Matth. 6. regnum tuum. Sed plerisque in rebus se-
cundis oratio idem est, quod calor for-
naxis in æstate, fax in meridie, opima
mensa cum non libet prandere. Quare
optimè Syluius: Rarò fumant foelicibus
aræ, languet dilectissimi oratio, sacrifi-
cia algent, altaria nuda sunt florente
fortuna; si adsit hyems, focum laudabi-
mus & ignem; nox ingruat, fax profere-
tur; fames vrgeat, mensæ læti accumbe-
mus. Sic nisi tempestas sæuiat, orationis
asylum ignorabitur.

IN PROSPERIS VEL FRIGIDA,
VEL NULLA EST ORATIO.

Impius ille & crudelis Rex Manasses,
quidquid malorum, vel Acheronta con-
gerere poterant, perpetravit florenti-
bus regni sui auspicijs, excelsa ædifica-
uit, lucos instaurauit, & omnem Idolo-
rum ac Dæmonum cultum ac honorem
pro-

promouit. Sic textus: *Aedificauit excelsa, quae destruxerat Ezechias pater eius, 4. Reg. 21. altaria extruxit in ipso Dei templo, pro omni militia caeli, traduxit filium suum per ignem, & ariolatus est, & obseruauit auguria, & fecit pythones, & auspices multiplicauit, & alia sexcenta peregit, quae nullam sapiebant religionem; nulla apud eum veri Dei mentio, nullae ad Deum fuae preces. Vnde haec tanta in illo degenerare impietas? cur nulla apud illum verae deuotionis ratio habebatur? prosperè agitur, nulla gustatur calamitas.*

Radix illa peccati Antiochus Graecorum Rex, cum Aegyptum foelici subiugasset certamine, superbia inflatus, Dei non solum non recordabatur, orationes nullas fundebat, sed & templa diripiens, alios ab eius cultu minis, tormentis, & quouis poenarum inaudito genere abstrahabat. *Intrauit in sanctificationem (fortè oraturus) sed cum superbia accipit altare aureum, candelabrum luminis, & uniuersa uasa eius, & mensam propositionis, & caetera, & ornamentum aureum, quod in facie templi erat. Insuper*

1. Mach. 1.

Dei iudiciorumq; eius immemor fecit
cædem magnam hominum. O superbe,
impleatur facies tua ignominia, disces
orare, eumq; quem iam persequeris, de-
precari.

Ioan. 4.

Erat quidam Regulus in Capharnaum,
qui prosperè degens, ridente fortuna
Euangelio non adhærebat, Christum
non sequebatur, fidem eius cum alijs
reijciebat, Doctrinam eius audire, ho-
spitio illum suscipere non curabat, ut
in illum locum Interpretes testantur.
Sed angustiatur in illo anima eius, Do-
mini recordabitur. Orare discet, quære-
re, pulsare, petere non molestum cense-
bit.

Sic, sic, Charissimi, ad umbram non
anhelamus, nisi vel estu vramur, vel plu-
uia vexemur, ad orationis refugium
non conuertimur, si tribulationis ignis
sit remissior, vel afflictio non ita inun-
det.

August.

S. Augustinus in Psalmum 49. exponens
verba illa, Inuoca me in die tribulatio-
nis, Ad hoc, inquit, permisi diem tribu-
lationis fieri, quia fortè si non tribulare-
ris, non inuocares me; cum tribularis,

in-

inuocas me : eximam te, cum eximo te,
 glorificabis me , vt iam non discedas
 à me. Obtorpuerat & friguerat Psalmi-
 sta, & dicebat, Tribulationem & dolo-
 rem inueni, & nomen Domini inuocaui,
 inuenit tribulationem tanquam aliquid
 vtile , putruerat tabe peccatorum suo-
 rum. Iam sine sensu remanserat, inuenit
 tribulationem tanquam vstionem & se-
 ctionem : alius damno affectus plangit,
 alius orbitate percussus luget, alius pa-
 tria exulatus moeret, alter vinea gran-
 dinata, attendit ad labores suos : plan-
 gunt hæc omnes & dolent, & tribula-
 tiones sunt istæ, inuocent Dominum,
 potest vel docere tolerandum, vel sana-
 re toleratum ; nouit ille non seuerè tra-
 ctare nos, super quam possumus, & in o-
 ratione facere prouentum. Adsit igitur,

ET DOCEAT ORARE AF-
 FLICTIO.

Produxi suprâ Manassen, omnis pie-
 tatis & deuotionis exosorem, at dum
 affligitur, videte mutationem, orationis
 eius obstupescite feruorem: tantus fuit,
 vt an vllus orarit deuotiùs, multum du-
 bitem:

2. Par. 33. bitem. Ideirco dixit Scriptura : Propter
 Manassis impietatem superinduxit eis
 (Dominus) Principes exercitus Regis As-
 syriorum, ceperuntq; Manassen, & vin-
 ctum catenis atque compedibus duxerunt
 in Babylonem. Qui postquam angustiatus
 est, orauit Dominum Deum suum, & egit
 pœnitentiam valde coram Domino Pa-
 trum suorum, & deprecatus est eum, &
 obsecrauit intentè. O quam tibi, Manas-
 ses, salutaris captiuitas; quæ sic te fe-
 cit deuotum? iam potentiam Dei de-
 prædicas, iam misericordiam exaltas,
 iam bonitatem eius imploras, & pec-
 cata tua deploras. Audite orantem:

Oratio Domine omnipotens, Deus Patrum no-
 Manassis strorum, nunc flecto genu cordis, precans
 legatur à te bonitatem; peccaui, Domine, peccaui,
 tota, si & iniquitates meas agnosco: Quare peto,
 placet, rogans te, remitte mihi, Domine, remitte
 cū deuo- mihi, & ne simul perdas me cum iniqui-
 tione & tatibus meis.

attētiōe. Cur sic oras, aliàs huius Dei altaria
 demoliens? Incuruatus sum vinculo fer-
 reo, & non possum attollere caput meū,
 afflictus sum, & cor erigo ad sperādum,
 os ad deprecandum, si fortè sit spes.

Opti-

Optimum orationis Gymnasium tribu-
latio, in hoc illi docti, de quibus David:
Multiplicatae sunt infirmitates eorum, Psal. 13.
postea accelerauerunt.

In Imperij prosperitate, impium & fa-
crilegum audistis Antiochum; num o-
rantem audire in aduersis delectat? Tur-
piter, & cum magna suorum clade, ex
Perside repulsus, ad Palæstinam iter pa-
rat, dolore ac squalore viscerum affligi-
tur, manifestam in se ipso Dei virtutem
contestans, diuina admonitus plaga, in
sui agnitionem veniens: *Iustum est*, aie-
bat, *subditum esse Deo, & mortalem non* 2 Mach 9
paria Deo sentire, orabat scelestus hic Do-
minum, à quo non est misericordiam con-
secutus, quia formidine poenæ precaba-
tur. Vide quam verè Propheta Psaltes
dixerit: Cum occideret eos, querebant Psal. 77.
eum, & subito veniebant ad illum.

Hæc fit consolatio in afflictione,
reddi deuotum.

Regulus in Euangelio Capharnaiticus,
neque Christum adorasset, neque in il-
lum credidisset, nisi infirmitate filij af-
figeretur. Cum igitur ægrotaret cha-
rum pignus, posteritatis spes, oculorum
lu-

lumen, cum de sanitate conclamatum, à Physicis desperatum esset, quid anxium fidelis Patris cor amplius meditaretur, quam fidem exercere, ad Deum confugere, peregrinari ad Christum, & prece; ingeminare? Abijt ad Iesū, cum filius ei⁹ infirmaretur, & rogabat eum, vt descenderet, & sanaret filium eius. Dissimulat Christus, vt feruentius oraret: *ô Domine,* **Ioan. 4.** inquit, *descende priusquam moriatur filius meus.* Iam verus ille Israëlita efficitur, de quibus legimus: *Clamauerunt ad Dominum, cum tribularentur.* **Psal. 106.** Soleris igitur in afflictione, dum orare discis, **Iacob. 5.** quia *multum*, dicit tibi Iacobus, *valet oratio iusti assidua.* Continuetur licet afflictio, oratio non interrumpatur, **2. Par. 20** enim *ignoramus quid agere debeamus, hoc solum residui habemus, vt ad te oculos nostros dirigamus,* verba sunt afflicti illius ac deuoti Regis Iosaphat.

Igitur vt consoleris ex tribulatione tua, assidue, ad Sanctorum exempla; in **Exod. 17.** ea, & feruenter ora. Moyses plurimis oppressus ærumnis ad orandum prope- **Gen. 28.** rat. Iacob fratris agitated insidijs votum vouit Domino. Samson à Philistæis illu- **Iudic. 16.** sus

sus orare non cessat. Apostoli mergenda
nauicula clausi ardentissimè diuinam
petunt opem.

Dicite, quæso, quot orantes tempe- *Drexeli²*
state iam sedata, coelo sereno, euitato
iam naufragio nautas vidistis? quot mili-
tes vidistis, qui pectus tunderent, dum
hoste procul ad ignem sederent, & sales
facetiasq; sererent?

Ne tibi igitur, ô Christiane, ingrata
aut molesta sit tribulatio, qua tua creuit
deuotio, grata Deo, solamen præsentis-
simum reportatura.

DISCURSVS VIII.

Ostenditur, quod ideo Affli-
ctio nos consolari debeat,
quia humilitatem & morti-
ficationem docet.

*Hæc sit consolatio mea, vt affligens
me dolore, non parcat.*

• Iob 6. v. 10.

Saluator noster, plurimas finientis
mundi tribulationes enumerans,
Sur-